



Lars Poulsen, Siumut
Inatsisartunut ilaasortaq
inatsisartut@inatsisartut.gl

Tunumut angallanneq pillugu § 37 naapertorlugu apeqquteqaammut akissut

Asasara Lars Poulsen

Dato: 20-8-2026
Sagsnr.: 2026 - 14104
AKT. ID.: 26703903

Inatsisartut suleriaasianni § 37 naapertorlugu Tunumut angallanneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalakkersuisut ilisimavaat Icelandairip Kulusummut timmisartuussinini unitsinniaraa?

Akissut: Naalakkersuisut 27. maajimi Icelandair-ip marsimiit maajimut sullissinermik unitsitsinialersaarnera pillugu ingerlatseqatigiiffiup tamanut ammasumik nalunaarutaa tiguaat.

Taamaattumik Icelandair Kulusummut timmisartuussinermik unitsitsiniarluni aalajangiinera Naalakkersuisunit ilisimaneqarpoq.

Apeqqut 1a: Taamaappat, tamanna qanoq aqqiivigineqassanersoq pillugu pilersaaruteqartoqarsimava?

Akissut: Naalakkersuisut Icelandair-ip angallavini unitsinniarlugu aalajangernera uggoraat. Naalakkersuisunit allanik qinigassaartoqarnersoq misissuiffigaat.

Naalakkersuisut maannarpiaq suliat ingerlasut pillugit allanik paasissutissaateqanngillat.

Apeqqut 2: Naalakkersuisut Air Greenlandip Tunumi sullissinera sullissinissamik isumaqatigiissut (servicekontrakt) aqqutigalugu annertusarniarlugu pilersaaruteqarpat?

Akissut: Apeqqut 1a-mut akissut takuuk.

Apeqqut 2a: Taamaappat, qanoq aamma sorlarni tamanna pissava?

Akissut: Apeqqut 1a-mut akissut takuuk.

Apeqquut 3: Naalakkersuisut Pilersuisup Tunumi sullissinermut tunngatillugu immikkut ilisimasai pilersuinissamik pisussaaffiup (forsyningspligt) kiffartuussinissamik isumaqatigiissut aqputigalugu annertusarniarlugit pilersaaruteqarpat?

Akissut: Apeqqutip taassuma akineqarnissaanut Aningaasaqarnermut Naalakkersuisoqarfik akissuteqartipparpur, tassanngaanniillu ilisimatitsippur:

"Naalakkersuisut ilisimatitsissutigisinnaavaat, Pilersuisup immikkut pisinnaasai Tunumi atorneqareermata. Kiffartuussinissamut isumaqatigiissut atuuttoq naapertorlugu KNI A/S nunap immikkoortuani niuernikkut tunngavissani nioqqutissanik pilersuineq killeqartillugu inoqarfinnut arlalinnut pilersuisussaataaavoq.

Kisiannili Tasiilami pisiniafik niuernermik tunngaveqarluni ingerlanneqarpoq, taamaattumillu kiffartuussinissamut isumaqatigiissut aqputigalugu tapiissuteqarfiisarani. Taamaattumik matumani Pilersuisup immikkut ittumik piginnaaneqarfiisa Tunumi annertusineqarnissaat pineqanngilaq, pilersuinermut aqqissuussineq pioreersoq aqputigalugu atorneqareermat."

Apeqquut 4: Kulusuk aamma Tasiilaq akornanni qulimiguulimmik angallassinernup taarsiullugu umiatsiamik angallassinermik atuinissamik aalajangiinermut tunngatillugu aningaasaqarnikkut misissueqqissaarnerit suut tunngavigineqarpat?

Akissut: Naalakkersuisut Kulusuup aamma Tasiilaq akornanni umiatsiamik assartuussinermik atuilernissamut aningaasaqarneq pillugu misissueqqissaarsimangillat.

Erseqqissaatigineqassaaq, ilaasunik angallassinermi tapiliussatut aqqiissutissanik piareersaanerit aalajangersimasut, taakkunungalu qulimiguulimmik assartuussinermut taarsiullugu umiatsiamik angallassinernit ilanngullugit, tunngaviusumik sullissisup isumagisassarimmagit. Tamanna pingaartumik kiffartuussinissamut isumaqatigiissummi pisinnaasassatut isumaqatigiissutigineqartut sinnerlugit assartuussinermi pisinnaasat pineqartillugit atuuttussaavoq.

Air Greenland ilisimatitsivoq, umiatsiamik angallassinernit kiffartuussinissamut isumaqatigiissummi qulimiguulimmik angallassinernup taarsiullugu neqoroortigineqangitsoq, kisianni tassunga ilassutitut atuuttoq. Umiatsiamik angallassininnaanerit ilassutitut ilanngunneqartoq Air Greenlandip nammineerluni aqqissuussaraa, taamaattumillu kiffartuussinissamut isumaqatigiissummi aalajangersarneqareersup saniatigut inissisimalluni.

Apeqquut 4a: Naalakkersuisut uppersarsinnaavaat aaqqiissut tamanna qulimiguulimmik angallassinissamut periarfissamik annertusaanermi akikinnerusoq, aammalu ataatsimut isigalugu inuiaqatigiinnut aningaasaqarnikkut naleqarnerusoq?

Akissut: Ilaasunik angallassinermi tapiliussatut aaqqiissutissanik piareersaanerit aalajangersimasut, taakkunungalu qulimiguulimmik assartuussinermut taarsiullugu umiatsiamik angallassinermi ilanngullugit, tunngaviumik sullissisut isumagisassara. Tamanna pingaartumik kiffartuussinissamut isumaqatigiisummi pisinnaasassatut isumaqatigiissutigineqartut sinnerlugit assartuussinermi pisinnaasat pineqartillugit atuuttussaavoq.

Apeqquut 5: Tunumi najukkani soqutigisaqartut akornanni Naalakkersuisut misissueqqissaarnermik imaluunniit tusarniaasoqarsimava, Icelandairip ilaasuisa Kulusuk aamma Tasiilaq akornanni qulimiguulimmik angallanneqaratik umiatsiamik angallanneqalernissaasa inuussutissarsiornermut sunniutai qulaajarniarlugit?

Akissut: Naalakkersuisut Icelandair-imut ilaasut Kulusuup Tasiilallu akornanni umiatsiamik angallanneqarnissamut innersuunneqartarnerisa inuussutissarsiornermut kinguneri pillugit Tunumi najukkani sullissisunut tusarniaanernik misissueqqissaarnernilluunniit immikkut ittunik ingerlatsisimanngillat.

Ilaasunik angallassinermi tapiliussatut aaqqiissutissanik, tassungalu ilanngullugu qulimiguulimmik angallassinermut taarsiullugu umiatsiamik angallassinermik atuinnissamik piareersaasarneq tunngaviumik sullissisut isumagisassaraat. Tamanna pingaartumik kiffartuussinissamut isumaqatigiisummi pisinnaasassatut isumaqatigiissutigineqartut sinnerlugit assartuussinermi pisinnaasat pineqartillugit atuuttussaavoq.

Apeqquut 6: Naalakkersuisut Islandip aamma Kulusummi mittarfiup akornanni timmisartuussinerit ikilinerisa inuussutissarsiornermut aningaasaqarnermullu sunniutaat pillugit inuiaqatigiinnut aningaasaqarnikkut kingunerisassanik naatsorsuisimappat, ilanngullugit ukiuunerani takornariaqarnerup, nassiussatigut assartuinerup, kaaviiartitat, suliffiit kiisalu Tunumi akileraarutitigut isertitat annaaneqarnerat?

Akissut: Naamik, kisianni politikikkut suliaq malinnaaffigineqarpoq suliniutillu ingerlallutik.

Apeqquut 6a: Aap pineqartillugu, Naalakkersuisut naatsorsuutit taakku tamanut saqqummiunniarpaat?

Akissut: Apeqquut 6-imut akissut takuuk.

Apeqquut 6b: Naamik pineqartillugu, sooq saqqummiunneqanngillat?

Akissut: Naalakkersuisut angallaviit niunermik tunngaveqartut atorunnaarnerini inuiaqatigiit aningaasaqarnerannut kingunerisassanik naatsorsuinissamut inuttatigut aningaasaqarnikkullu isumalluutissaqanngillat. Isumalluutit maannarpiaq aaqqiissutissanik allanik ujartuinermut atornerqarput.

Apeqquut 7: Naalakkersuisut misissorsimavaat sooq Air Greenlandip nammineq Islandip aamma Kulusuup akornanni toqqaannartumik niuernermik tunngaveqartumik timmisartuussinissamik, ilanngullugu ukiuunerani timmisartuussinerit nassiussanillu assartuineq, ineriartortitsisimannginnersoq, pitsaanerusumik tikikkuminassuseq Tunumi takornariaqarnermik inuussutissarsiornermillu ineriartortitsinermut iluaqutaasinnaagaluartoq?

Akissut: Naalakkersuisut namminneerlutik sooq Air Greenland Islandip aamma Kulusuup akornanni, tassungalu ilanngullugu ukiuunerani nassatanillu assartuussinerim toqqaannartumik angallassinermut suleriaasissamut najoqqutassiamik, niuernermik tunngavilimmik ineriartortitsiniallutik aalajangersimannginnersut pillugu immikkut ittumik misissutitsisimanngillat.

Erseqqissaatigineqassaaq, angallavinnik niuernermik tunngavilinnik ineriartortitsinerit, tassungalu ilanngullugu angalarusussutsimik, imminut akilersinnaassutsimik, timmisartuutitik, sulisutigut isumalluutitik, piffissap qanoq ilinera apeqqutaatillugu sullissinernik nassiussallu pillugit periarfissanik naliliisarnerit tunngaviusumik timmisartuutileqatigiiffiup niuernikkut sullissinikkullu suliaasaqarfigimmagit.

Naalakkersuisut akissuteqarnissaanut atugassamik Air Greenland A/S oqaaseqartinneqarpoq, tassanngaanniillu ilisimatitsissutigineqarpoq:

"Air Greenlandip angalarusussutsip amigarnera, taamaattumillu angallaviup imminut akilersinnaannginnera peqqutigalugu Nuup Keflavik-illu akornanni timmisartuussinerit atorunnaarsippai. Aamma Dash 8-t pisinnaasaanit sulisuinillu pioreersunit atuinerup, maanna nunami namminermi angallannermut nuunneqarsimasup annertungaatsiarnera peqqutigalugu angallavik atorunnaarsinneqarpoq.

Taamaattumik Air Greenland naliliivoq, Keflavik-ip, Kulusuup Nuullu imaluunniit Nerlerillu Inaata akornanni pingasunik teqqeqqulittut ilusilimmik angallassineq niuernikkut imminut akilersinnaanngitsoq niuernikkullu pilerinartuunngitsoq."

Apeqquut 7a: Taamaappat, inerniliussat suut anguneqarpat?

Akissut: Apeqquut 7-imut akissut takuuk.

Apeqquut 7b: Taamaanngippat, sooq tamanna misissorneqarsimanngilaq?

Akissut: Apeqquut 7-imut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Iddimangiiu Jensen Bianco